



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 39. De obligationibus locatoris,

[urn:nbn:de:hbz:466:1-78477](#)

non potest, aut is locat, vel conductus, qui prohibetur vendere, vel emere (de quo dictum est in preced. cap. 15.) quia, ut habetur ex lege 2. ff. Locati, tanta est locationis, & conductus cum emptione, & venditione affinitas, ut ipsum regulis iuris consistant. Secundo, contingit cum non datur iusta merces; de qua iudicandum est eadem ratione, qua de iusto pretio propter praedictam affinitatem. Sicut igitur in venditione iustum premium communis astimationis, aut statuto Principis committitur, prout expositum est in cap. 16. ita & in locatione, iusta merces. Postremo, contingit quando interuenient aliquid recte rationi, aut Superiorum praecipuo repugnans. Circa quod descendendo ad particularia, moueri possunt aliquor dubia.

P R I M U M E S T; an beneficiarius sine suis Prælati licentia locare possit redditus sui beneficij? Ad quod respondendum est affirmat: que cum Panormit. ad Cap. Vestra, De locato, num. 4. ex quo Cap. id ipse probat, ponderando verbum, libere, quo Pontifex ibi vtitur agens de eiusmodi locatione. Imo non valeret statutum, aut prohibitor Episcopi, facta in contrarium, ut ibidem habet Panormit. & post ipsum Angelus in verbo Locatio, §. 4. propter idem verbum, libere, de cuius significacione est, ut non exigatur consensus alterius, sed agens relinquatur in plena sua potestate. Quod tamen ita temperandum est, prout illi ipsi authoris notant ex Clementina prima de rebus Ecclesiæ non alienandis, ut non permittatur ad longum tempus, hoc est, pro pluribus quam novem annis facere talen locationem. Etenim, ut in eod. Cap. vestra dicitur, beneficiario facultas locandi ita conceditur, ut locatio nihil minus extendat ad alienationem non videatur. Locatio autem quae est ad decennium, reputatur alienatio, ut Couar. post multos annos, quos refert, habet in lib. 2. variarum resolutionum cap. 16. numer. 1.

Addiderim etiam, quod si per synodalem constitutionem beneficiarius prohibeatur beneficij sui fructus locare ultra biennium, aut triennium, aut ultra annum, talis prohibitus non repugnat constitutioni citati Cap. Vestra, qua tantum statuitur beneficiarium posse libere fructus sui beneficij locare absque Diocesani consensu; quod quidem non obstat quin Diocesanus possit iusta causa, illi prohibere locationem ultra annum, vel duos annos. Nam id non est absolute tollere illi libertatem locandi. Aduerte vero hodie iure communis per extrahag. vnicam inter communes, tit. De rebus Ecclesiæ non alienandis, prohibitus est bona Ecclesiastica immobilia, vel mobilia prius locare ultra triennium, talique constitutioni standum esse, vbi nondum est abrogata per contrarium consuetudinem. De qua & pluribus Couar. in cit. cap. 16. num. 4. & 6. quæ differenda sunt in tractatum tertium libri.

S E C U N D U M D U B I U M E S T; an possit quis alterius locare domum quam conductus? Ad quod respondeatur, possit locare pro illo tempore, pro quo illam conductam habet, nisi aliter conuentum; ut habetur in lege Nero, Cod. Locati; modo tamen locet ad eundem vium, idoneo conductori, prout ratio i consentaneum est. Atque tunc secundus conductor non tenetur soluere pensionem domino domus, sed ei qui sibi illam locauit, cum quo solo contraxit: quamvis bona quæ ipse intulerit, & reperta fuerint in domo (quod late tradit. Molina in citato tract. 2. disput. 497.) maneat tacite obligata eidem domino, pro pensione suæ domus, ex lege Solutum. §. Solutum, ff. De pignoratitia actione. Ex quibus intelligitur verum esse quod dixit Angelus in verbo Locatio, §. 7. q. scholasticus possit ponere aliun loco sui in domo, vel cubiculo conductor, quod approbat Sylu. in eodem verbo, quæ ff. 2. dictio 5. addens id non posse fieri iniurias sociis: quia ratio sociatis id prohibet.

T E R T I U M D U B I U M E S S E P O T E S T; vtrum locare licet id quo intelligitur conductor usurps ad peccatum mortale? Ad quod paucis responderi potest, in iisdem casibus in quibus illicitum est aliquid vendere quando timerit, aut prævidetur abusus inde secururus; in iisdem illicitum est illud locare. Nam per locatioem, sicut per venditionem transfertur in alterum potestas vendi-

re. Qui autem sint illi casus intelliges ex traditis in precedenti capite 15. dub. 5.

Q U A R T U M D U B I U M E S T; an licet tam locabilem locare cuilibet, qui creditur ea non abusuris. Occasionem dubitandi dant aliquot leges ciuiles, vt lex Milites, & lex ultima, Cod. De locato, quæ prohibent, milites fieri alienarum rerum conductores, ne armorum usum omitant, & vicini iniuriam inferant. Prohibentur simillimi curiales; lege Cumvalis, Cod. eodem titulo. Item dominus propinquus vni magistro, prohibetur locari alteri magistro, quando virtusque docentis voces inter se confunderentur, lege unica, Cod. De studiis liberalibus viribus Romæ. Respondendum autem est, tales leges iam non esse invicti (quod notat author additionum ad Angelum in verbo Locatio, §. 10.) Ideoque standum esse iuri naturali; ut si ob aliquam circumstantiam recta ratio prescribat locationem in detrimentum Reipub. maiori bono repugnare, non fiat. Quod totum relinquitur arbitrio Iudicis in foro contentiouso, & extra illud arbitrio prudentis. Ipsius exemplis illustratum vide apud Sylu. in verbo Locatio, q. 3. dicto 4.

C A P V T X X X I X .

De obligationibus locatoris.

S V M M A R I V M .

508 Tres obligationes locatoris.

509 De casu in quo conductor potest eiici ob non solutam pensionem.

510 De alio casu in quo eiici potest ob necessitatem superuenientem locatori.

511 Tertio casu in quo dominus indiget refactione.

512 De quarto casu in quo conductor expelli potest, eo quod perficerit in re locata veretur.

513 Obligatio locatoris resarcendi damna que conductor patitur in locata.

514 Obligatio rem vitiosam locantis per ignorantiam.

P R I M A O B L I G A T I O E S T; ut locator teneatur vitium occultum rei locatae parescere, eodem modo quo vendit rem teneri rei vendit vitium occultum manifestare, habendum est in preced. num. 337. & 338.

Secunda est, de qua late Molina De inst. & iure, tract. 2. disp. 496. ut teneatur soluere expensas necessarias quas conductor fecerit in restauranda re locata, ut si equus conductor male valuerit absque culpa conductoris; hicque in illius curationem sumptum aliquem fecerit. Nam realis obligatio (vt habatum est in fine precedentis capituli 35.) exigit ex commodato, quod gratis fit; multo magis exigeret ex locato, quod fit pro mercede.

Tertia est, ut locator non possit rem locatam repetere ante tempus locationis finitum: vt v. g. is qui domum suam ad certum tempus locauit, nequeat ab ea inquinilum expellere, exceptis quatuor casibus notatis in Cap. Proprietas sterilitatem, §. Verum, De locato, quos accurate Ludowicus Molina persequitur in sequenti dispu. 499.

Primus est, quando per biennium penio à conductorre non solvitur. Huius mentio est in lege Quaro, §. Inter locatorem, & in lege Cum domini, ff. Locati. Intelligentius est autem ex Panormit. ad cit. Cap. Propter sterilitatem, num. 10. quæ sequitur Sylvestris verbo Locatio, quæ ff. dicto 4. & Rosella eodem verbo num. 3. Nauar. in Enchir. cap. 17. num. 103. quando res ad quinquennium, aut ad plures annos locata est, neque conductor pensionem soluit per biennium; quando enim locata est ad pauciores annos, si conductor non soluat eo tempore quo soluere tenetur, potest statim expelli etiam auctoritate propria, vt tradit. Sylvestris in eod. dicto 4. post Panorm. loco cit.

Si queras quodnam sit tempus in quo facienda sit solutio pensionis in locatione? Respoderetur, si de coenumentum sit inter partes, standum esse conuentum; si minus, standum esse legionis consuetudini, quæ si nulla sit, pensione soluendam esse in fine anni. Ita Angelus in verbo Locatio, §. 12. per legem Semper in stipulationibus, ff. De reg. iuris. Moneta autem Nauar. in sequent. num. 198. id verum

esse regulariter: quia nonnunquam aliter sentiendum est, nimis quod tempus pro quo, & causa propter quam, & persona cui res locatur; & denique alia circumstantiae, aliud exigunt prudentis arbitrio.

Secundus casus est, cum locator propter superuenientem necessitatem, cui alter occurere non potest (*secus si posset alter sibi prouidere*) re sua eget, ut si domus quam habebat coruerit, vel ipse duxerit vxorem non habens aliam domum. Hunc ex lege *Ade quam*, Cod. De locato, habent cum D. Anton. 2. par. tit. 1. cap. 15. §. 6. *Angelus* in sequenti §. 13. *Sylu. in preced. dicto 1. Tabiena verbo Locatio, num. 11.* atque Nauar. in memoratum 193. Et procedit etiam si conductor rem locata habeat specialiter, vel generaliter hypothecatum pro obseruatione, & executione alterius contractus cum locatorre initio, prout contra nonnullos tener. *Couar. in lib. 2. v. ar. refolut. cap. 15. num. 4.* vbi etiam ce set procedere quantumcumq; promissio facta sit conductori de eo non expellendo. Non procedit autem cum dicta necessitas precessit locationem, vt cum locator domus, ea iam tunccebat cum locabat. Ita docent Angelus, Syluester & Tabiena locis citatis, ac ante eos Hostieris in summa, titulo *De locato*, §. *Quae actiones*, quia, inquit, locator debet sibi impunire incommodum quod patitur carente vnu suare, cum per dictam locationem se priuauerit suo iure illam rependere ante terminum à se praefixum, vel certe egerit mala fide. Verumtamen, vt notat Nauar. potest talis casus aliquando accidere, vt quantumcumq; necessitas praecesserit, cōductor possit expelli, vt si Titius quando locauit domum, habitabat cum alio, & postea duxit uxorem à qua separatis habitare compelleretur, nisi domum locatam conductor restituit. Atque quod dicimus de necessitate superueniente locatoris, videtur pariter dicendum de necessitate superueniente filii, vel filiaz, patris, vel mattis, fratri, vel sorori, aut, vel a via ipsius, quia quisque talium in necessitate, debet iure naturae præferri alii. Addit ex Couar. in dicto num. 4. idem etiam dicendum esse de herede vniuersali locatoris, tanquam succedente in ius illius, & personam illius repræsentante; non autem de successore singulari, in quem locator ipse talem rem transtulisse titulo emptionis, aut donationis, aut alio huiusmodi. De qua re videndum est idem author.

Tertius casus est, cum domus indeget refectione, qua non indigebat tempore locationis. Iustum quoque habent Nauar. in dicto num. 193. & in verbo Locatio, *Angelus* §. 13. *Sylu. quest. 9. dicto 2. Tabien. num. 11.* ex lege *Ade quam*, Cod. De locato, & ex Cap. Propter sterilitatem, §. Verum, *De locato*. Ex quo habetur etiam, *quod illi addunt, in hoc, & in praecedenti casu pensionem remittendam esse pro rata temporis, quo domus ipsa afferatur à conductore, vel certe ei prouidendum de domo æque commoda, ex principio legis* Cum in plures, ff. Locati. Item conductorem ipsum posse iam refecta domo petere se in ea reponi; ex glossa cum textu, in lege Si duo, §. Cum in quilius, ff. Vt possidet.

Quartus casus est quem adhuc memorati authores referunt ex §. Verum, & ex lege *Ade quam*, citatis, quando conductor peruerse versatur in domo locata, sive absque detrimento illius, vt cum in ea recipit meretrices, lenones, aleatores, fures, usurarios, unde illa fiat quidem infamia, non tamen deterioretur, sive cum illius detimento, vt cum porcos in cubicula inducit, arbores cadit, agrum, vel horum non colit tempore debito.

Siquaras an locator debet eo casu pensionem remittere: Respondent post Panormit. ad cit. Cap. Propter sterilitatem num. 16. *Angelus* in eodem §. 13. *Sylu. in sequenti dicto 3.* & Nauar. in sequenti num. 194. debere remittere pro rata illius temporis, quod restat ex termino praefixo, si inquilius expellatur ob posterioris modi malam versationem in domo locata. Damni vero in domo ipsa dati satisfactionem esse in iudicio petendam, agendo aduersus eundem inquilinum. Sin autem expellatur inquilius ob malam versationem prioris modi, nullam obligationem esse remittendi aliquid de pensione, quia locator non deberet damnum sentire ex illius culpa. Verumtamen naturalis & quicunque quoque postulare videtur, vt pro rata temporis,

pensione ei remittatur, & aduersus ipsum in iudicio agatur ad satisfactionem iniuriæ, aut damni, si quod sibi inde se qui locator cognoscat. Nam cum tale compensatum fuerit, cessabit causa exigendi aliquid ultra pensionem debitam pro rata temporis quo dominus retenta est. Ita se sentire indicat Diuus Anton. 2. par. tit. 1. cap. 15. §. 6. cum absolute dicit in hoc calu remittendam esse pensionem pro rata temporis, & de damno dato esse agendum aduersus inquinilum.

Quarta obligatio locatoris est, vt teneatur restituere omnia damna quæ conductor patitur in re locata, si ea pereat, aut deterior fiat eiusdem locatoris dolo, aut lata culpa, vel etiam leui, iuxta conditionem scilicet contractus in virtusq; contrahentis virilitatem initii. Sic ergo ad damnata secuta refacienda illi tenentur qui equos, aut mulos solitos se in aqua mergere, locant ad res vehendas, conductoribus non monitis de tali defectu. Item si res fuerit locata, locator sciente eam esse alienam, posteaque evincatur, locator ipse tenetur conductori non solum ad damnum inde emergens, sed etiam ad lucrum cessans refundendum, ex lege Sifundus, ff. Locati. Si vero bona fide quis rem locauit, & ea sit evicta, tenetur petere ab eo qui eam evicit, vt illam relinquat conductori, vel tradere huius aliam æque bonam vtendam; sique nevrum præstiterit, tenetur ei remittere de pensione pro rata temporis, quod defuerit ad complementum contractus, iuxta legem Si quis domum, ff. Locati. Item si quis locauerit fundum qui ob aliquem ipsius defectum potest confiscatus est, solum tenetur remittere de pensione pro rata temporis quod restabat conductori: non autem solvere ei interest, & damnum inde secuta; ex cit. lege Si fundus; traditque Nauarrius in Enchir. cap. 17. num. 197.

Præterea si locauit quis operas suas in diem, vel in aliud certū tempus, nec fideliter laborat præstando industriam, curam, & diligentiam debitam arbitrio boni vii; ita vt insimum laborem iustum pro stipendio constituto minime attingat, tenetur ad restitucionem pro rata debiti laboris in quo defuit; imo & ad interest, si forte aliquod detrimentum inde subsecutum est conductori, vt facie soler, cum quis ad piscam, vel aliud simile conductur. Quod si quis casu fortuito non potuit locatas operas præstare, tenebitur quidem de pensione pro rata temporis remittere, non tamen solvere interest, & damnum secutum. De qua re Nauartus in eodem numero 197. & in verbo Locatio *Angelus* §. 15. Sylvestri questione 12. & Tabiena numero 13.

C A T E R V M quod habetur ex lege Si addes, §. 1. ff. Locati. Si quis locauit dolia virtiosa, etiam ignoranter, eaque de causa vinum fluxerit, vel deterius factum sit; eum tenebit ad damnum vini, & eius quod interest; non item eum qui ignoranter locauit pascua in quibus sunt herba noxia, per quas depastas, pecora mortua sunt, vel facta deriora: sed tantum tenebit ad mercedem locationis remittendam. Istud, inquam, in foro quidem exteriori vim obtinet: quia ob curam, quæ maxima adhiberi solet, ob liquoris præstantiam; in priore casu ignorantia culpabilis præsumitur potius quam in posteriore; in foro tamen conscientia si constet in culpabilem fuisse ignorantiam, quod icilicet diligenter quam tenebatur locator, adhibuit, ex causandus perinde est in priore casu, in posteriore & ceteris similibus, vt habet Nauar. in Enchir. cap. 17. num. 196. cum Angelo in verbo Locatio, §. 24. Sylvestri questione 18. & Tabiena num. 21. qui addunt eum qui simpliciter locauit dicens conductori, se nescire an dolia sua sint virtiosa, eaque illi exhibens videnda, non obligari in conscientia ad damnum, seu ad id quod interest.

C A P V T X L. De obligationibus conductoris.

S V M M A R I V M.

515. Sex obligationes conductoris.
516. Tres casus in quibus conductor deserere potest rem locatam ante expletum tempus locatio n*u*.